



Predstavljamo kolegu Nedima Kapidžića, koji u Bosni i Hercegovini ima svoju najpoznatiju rubriku, a uveliko se bavi novinarstvom, danas teškim zanimanjem. Ipak, ljudima poput Nedima, koji su uprkos svemu spremni na takav izazov, uz veliku volju, želju i hrabrost, uspeh je zagantovan. Važno je biti inovativan, poslu pristupati uz osmeh, sa puno pozitivne energije...

*Šta je ono što vas održava u ovom poslu i koliko je bitna upornost?

-Svjestan sam odgovornosti ovoga posla. Stara narodna izreka kaže "Bez muke nema nauke". Radim ono što volim i sretan sam. Iako sam po profesiji pravnik, smatram da sam dokazao svoju profesionalnost i iskrenost i ljubav prema novinarstvu.

*Iako ste vrlo mladi do sada imate dosta uspešnu karijeru?!

-Ne volim mnogo govoriti o sebi. Postavio sam sebi skromne ciljeve i lagano se penjem prema njima. Često znam reći izreku koju sam davno čuo "Uspjeh je uvijek dijete smjelosti", vjerujem u ono što radim i trudim se opstati i istrajati u svojim namjerama.

*Kako ste krenuli i odakle baš želja da se bavite javnim poslom?

-U novinarstvo sam zalutao savim slučajno (na moje veliko zadovoljstvo), počeo sam kao kolumnista, a onda su mi se vrata počela sama otvarati i sad sam tu gdje jesam. Sretan, zadovoljan i ispunjen.

*Koga bi ste želeli da intervjuišete i ko Vam je do sada najdraži gost?

-Teško pitanje. Imao sam čast raditi sa većinom poznatih ličnosti, kako iz Bosne i Hercegovine tako i iz regije. Dosta poznatih je prošlo kroz rubriku „Kafa sa“. Dosta je bilo dragih gostiju, pa ne bi nikog da izdvajam. A želio bi da intervjuišem od djevojaka Gocu Tržan, a od muškaraca Peđu Medenicu .

*Da li mislite da su uspešniji ljudi lakši za saradnju?

-Zavisí o tome kako se vi postavíte prema sugovorníku. Danas je teško reći ko je uspješniji od koga, svako ima svoju publiku.

*Postoje li granice do kojih idete u intervjuima?

-Naravno! Nastojim imati mjeru i granicu u svemu.

*Da li postoje iskrena prijateljstva među vašim kolegama?

-Kako da ne! Imam vrlo iskrenih prijatelja među kolegama novinarima.

*Koliko ste spremni na kompromise?

-Zašto da ne! Koliko god čudno zvučalo, užurbani način života naučio me strpljenju i toleranciji.

*Kakav Vam je emotivni status, postoji li neka posebna osoba ili je iščekujete?

-Koga bi uopće zanimao moj emotivni život. Ono što vam jedino mogu reći da sam sretan.

*Koja Vam je do sada neostvorena želja i kakvi su Vam planovi za dalje?

-Planova je mnogo, a vremena malo. Od ove jeseni se ponovo vraćam u školske klupe jer upisujem postdiplomski studiju na Pravnom fakultetu, a samim time sam bliže da ostvarim svoju, jedinu iskrenu želju da otvorim advokatsku kancelariju.*

Šta bi ste poručili čitaocima i kada možemo da očekujemo Vaš dolazak u Srbiju?

-Prije svega želim da Vam se zahvalim na pozivu i ugodnom razgovoru. Čitateljima portala još jednom ću naglasiti "Bez muke nema nauke". Bit ću iskren i reći ću vam vidimo se na proljeće, a do tada svim vašim čitateljima, a i vama želim svako dobro...